



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

1. Multæ in Gallijs Ecclesiæ Decreto Concilij Lugdunensis, & quatuor sæculorum beneficio à Regalia liberæ, idque Episcopi Galli agnoscunt, & tamen Edicto Regio subscribunt, & quas ob causas?

urn:nbn:de:hbz:466:1-38277

5. Romani Pontificis in tot malis curæ, & remedia malè à quibusdam accepta, & quas ob causas? quæ sigillatim refelluntur.

I.

Am supra ostendimus, Concilij Lugdunensis Decreto cautum fuisse, ne Jus Regaliæ ad eas Ecclesiæ proferretur, quæ hactenus ab hac servitute immunes fuerant; gaudebantque Ecclesiæ hâc nativâ, & canonicâ libertate annos ferè quadringentos, quot videlicet decurrerunt ab anno MCCLXXIV. quando Concilium Lugdunense celebratum est, usque in annum MDCLXIII. cùm Regis Edicto omnes totâ Galliâ Ecclesiæ huic oneri subjectæ sunt. Neque hoc ipsi Galli dissentunt; cùm enim anno MDCLXXXI. mense Mayo Episcopi aliquot convenissent, & futuro generali Conventui ad proximum Octobrem materiam agendorum pararent, unus & præcipuus inter alia hæc Episcoporum nomine locutus fuit: *Jus Regalia servitutem esse, que præfertim collationes Episcoporum quod attinet, imponi nisi ab Ecclesia, ejusque consensu non possit, semper nobis persuasum fuit;* & idè cum Concilium Lugdunense Regalianam, ubi hactenus invulnerat, tolerandum esse duxerit; ad eas verò Ecclesiæ, ubi hactenus insueta, extendi omnino, & sub pena anathematis gravissimè interdixerit; sequitur, ut nec illæ hanc ipsam servitutem recusare debuerint, quæ hactenus eam tulerant; illæ verò, quæ hactenus naturali, & canonicâ libertate fruebantur, iustissimè usque in annum MDCLXXII. ferre renuerint. (a) Ubi vides fateri Galliæ Episcopos, quorum nomine loquebatur, Jus Regaliæ servitutem esse, nec eam alia, quam Ecclesiæ auctoritate imponi potuisse: ab hac verò Regalia immunitatem, fructum esse canonicæ, & naturalis libertatis, quâ quadringentis annis Ecclesiæ, ubi hactenus contraria consuetudo non obtinuit, gavisæ sunt: quæ omnia quam verè à Gallo sint dicta, jam suprà abunde ostendimus, nec animus est repeterere. Hanc ergo Libertatem Edictum Ludovici Regis submovit; quod licet novum, & Galliæ hactenus invisum, non tamen obscurum fuit, quorum consilijs id suggestum, peractumque. Erant in aula,

qui

(a) V.la lettera indirizzata ad unVescovo dell'Assembale die 8. August. 1681.f.

qui Principis gratiam quovis pretio parabant ; & quia potentiae, gloriæque , ac proferendæ dignitatis avidum cernebant , facile captari poterat , ijs propositis , quæ huic cupiditati blandirentur : tantoque magis , si victoria nec armis , ne cauro constaret , & bellum indiceretur vinci volentibus . Ecclesiæ ergo Edictis petitæ , & quod Majorum exemplis ea res careret , tantò magis Principem invitabat omnes retrò se Reges vincere festinantem : accedebant in eos , qui maximè videbantur oblitaturi , privata odia , unde criminandi , vindicandique occasio ; & denique si hæc omnia abessent , quæstus urgebat ; Rege enim ad majora intento , alijs Sacerdotia dispensandi cura dabatur : in istos ergo præmia , favores , & clientelæ redibant , magno potentiae , opumque incremento : & cum publica utilitas obtenderetur , privata quærebatur , quod postea eventu patuit . Cæterum velandæ cupiditati rationes passim quæsitæ , ac omni colorum genere , ut Principi placerent , ornatæ ; & primum erat fallere , armorum portiùs , aulæque , quam Canonum , & Ecclesiæ gnarum . His ergo artibus Edictum illud prodijt , quo omnes tota Galliæ Ecclesiæ , & in provincijs etiam recenti bello quæsitis , Regiam admittere jubebantur , adjectumque , ut electi Antistites intra duos menses à præstito fidelitatis Sacramento litteras à Rege obtinerent , quibus claudi Regalia inciperet , & proventus Episcopis cedere : litteræ verò in tabularia Cameræ Computorum referrentur : cæterum Episcopi jam olim electi teneruntur hæc ipsa solemnitate defungi . Hæc novæ servitutis professio fuit ; nec alibi , quam Parisijs edi poterat , magno quidem Episcoporum incommodo , sed non minori eorum emolumento , qui Regaliæ præerant . Varijs in Gallia animis , & foris non minori expectatione Regium hoc Edictum acceptum est ; ne dum enim memoriæ exciderat , sæpe id in aula tentatum , sed nullo eventu , Clero Gallico semper oblitante , & semper victore ; nec minoribus jam animis pugnaturi credebantur , quippe eadem in causa , & libertatis Gallicanæ , quam Pontificibus torties objectabant , memores ; ac Rege , si veritatem doceretur , æqui amante . Cæterum vana expectatio fuit . Plerique jugum accepere , querebantur tamen , dolebantque se invitatos cogi , & Notarios , ac testes adhibebant , qui , ne libertati suæ id quidquam noceret , in Tabulas referrent , misero inanique solitæ

perditæ Libertatis! Capi, vinciri volumus, & hoc ipsum chirographo testamur; id tantum scribite, liberos nos esse. Recusarunt alij, sed tamen Capitulis suis permisere, ut Regaliae subscriberent; perinde ac si nulla Pastoris culpa esset, si ejus non imperio quidem, sed permisso oves errassent; (a) si enim Regaliam suis Ecclesijs imponi justè crediderant, cur ergo ipsi abnuebant? si injustè, cur, ut Canonici id facerent, patiebantur? Enimvero non minus in animorum, quam militum Ductore eadem, parisque momenti culpa est, facere, & non prohibere, cum possit. Sed Regalistarum importunitas Beneficia, fructusque raptantium efficit, ut qui istorum gratificationibus liberari vellement, jugum subirent, fædâ quidem, sed utili servitute.

H. Duo tantum Episcopi Regijs Edictis obnixi sunt, Atenensis videlicet, & Apamiensis; & primò quidem omni reverentiâ, & obsequio certatum est, demonstratâ Ecclesiarum immunitate, quam & Concilij Lugdunensis auctoritas, & annorum supra quadringentos decursus firmaverant: sed cum in aula non rationibus, sed imperio ageretur, & soli ipsi certarent, reliquo agmine aut vieto, aut composito, nihil effectum est: nec ideo cessere; nunquam enim adducti sunt, ut subscriberent, imò vibratis censuris, edictisque propositis procul Regalistas arcebant: Romam etiam inclamârunt, commune Episcoporum asylum, cum periclitantur. Sed quid facherent soli? imò hoc illis criminis dabatur, quod causam ab omnibus desertam soli sustinerent. Ergo omni malorum genere exerciti, nullâ ætatis, quæ jam provecta erat, nullâ virtutum, quâ præcipue florebant, nullâ dignitatis reverentiâ; nec alterius culpe postulabantur, quam quod Ecclesijs suas, ab hominum memoria, & decreto Concilij Lugdunensis ac ipsorum Galliæ Episcoporum testimonio liberas, nollent in servitatem rapi; imò nec poterant velle, quippe Concilio Lugdunensi enixè id ipsum vetante: quid ergo facherent? Regi potius, an Concilio obedirent? omnino sic illis visum, quibus delitiae, & quies, ac Principis gratia præ Libertate fuit: nec quid Ecclesijs, ac celo, sed quid mundo deberent, cogitantibus: quid ergo facherent, si secures, & flammæ, & alia tyrannorum instrumenta fævirent? illi sanguinem funderent,

(a) M. de Pamiers fol. 177.